



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
GRADONAČELNIK**

Broj: 02- 05-5643-1/15

Datum: 26.11.2015. godine

Na osnovu člana 7. Statutarne odluke o organizaciji Grada Tuzla u skladu sa Zakonom o Gradu Tuzla ("Službeni glasnik Grada Tuzla" broj 1/14), na prijedlog Službe za razvoj, poduzetništvo i društvene djelatnosti, Gradonačelnik Grada Tuzla, donosi

**ODLUKU
o javno-privatnom dijalogu**

I

Ovom odlukom pruža se institucionalna podrška javno-privatnom dijalogu, određuju uslovi za formiranje radnog tijela koje je sastavljeno od predstavnika javnog, privatnog i civilnog sektora, određuje se cilj za aktivno sudjelovanje svih aktera u javno-privatnom dijalogu, razvoju zajednice u cjelini i kreiranju povoljnog poslovnog okruženja.

II

Radno tijelo je mješovitog sastava i broji 24 člana, od kojih najmanje jednu polovinu čine predstavnici privatnog i/ili civilnog sektora.

Predstavnici javnog sektora biraju se kao predstavnici relevantnih institucija po funkciji (ne po imenima): Gradonačelnik Grada Tuzla, Pomoćnik gradonačelnika za razvoj, poduzetništvo i društvene djelatnosti, Pomoćnik Gradonačelnika za prostorno uređenje i zaštitu okoline, Pomoćnik Gradonačelnika za geodetske i imovinsko-pravne poslove; Direktor JU Zavod za urbanizam Tuzla, Direktor JP BIT Centar Tuzla, Direktor JP RPC Tuzla – Inkubator Lipnica, Direktor srednje Mašinske škole Tuzla, Direktor srednje Elektrotehničke škole Tuzla, Šef poslovnice Zavoda za zapošljavanje Tuzla, predstavnici Ekonomskog i Pravnog fakulteta Univerziteta u Tuzli.

Predstavnici privatnog i civilnog sektora se biraju kao predstavnici privrednih društava i civilnih organizacija (ne po imenima), a kriteriji za izbor članova iz redova privatnog i civilnog sektora su: relevantna zastupljenost svih sektora privrede sa potencijalima za razvoj (najmanje po jedan predstavnik svih najznačajnijih sektora: trgovina, turizam, elektro, metaloprerađivačka, drvoprerađivačka, tekstil i koža, prehrambeni, usluge, obrt i poljoprivreda) mikro, mala i srednja privredna društva, predsjednik Udruženja obrtnika grada Tuzla, žene preduzetnice, predstavnici relevantnih organizacija civilnog sektora i/ili pojedinci.

Tehničke poslove radnog tijela obavljat će Služba za razvoj, poduzetništvo i društvene djelatnosti.

III

Zadaci i ciljevi radnog tijela su:

- dvotrećinskom većinom donosi poslovnik o radu radnog tijela,
- usvaja godišnji plan za provođenje javno-privatnog dijaloga,
- osigurava kontinuitet rada na javno-privatnom dijalogu,
- prati proces i provođenje politike javno-privatnog dijaloga kroz razvoj novih projekata,
- razmatra značajna razvojna pitanja i pitanja unapređenja poslovnog okruženja i konkurentnosti,
- predlaže mjera za razvoj zajednice i unapređenje poslovne klime i konkurentnosti,
- predlaže inicijative koje se tiču viših nivoa vlasti;

- razmatra inicijative za partnerske projekte i njihovu implementacije,
- predlaže i daje preporuke Gradskom vijeću i Gradonačelniku, u cilju većeg i kvalitetnijeg uključivanja svih zainteresiranih strana,
- sve aktivnosti se provode uz poštivanje načela transparentnosti, partnerstva i saradnje,
- informiše javni i privatni sektor o svom radu.

IV

Ovlašćuje se Gradonačelnik da donese rješenje o formiranju radnog tijela.
Formirano radno tijelo za svoj rad neće primati naknadu.

V

Ova odluka stupa na snagu narednog dana od dana objavljivanja u "Službenom glasniku Grada Tuzla".

GRADONAČELNIK



Jasmin Imamović